

## I.-TITULO I.- DISPOSICIONS XERAIS

### I.1.-CAPÍTULO I.- DENOMINACIÓN, NATUREZA XURÍDICA, OBXETO SOCIAL E DOMICILIO

**Artigo 1.-** A FEDERACIÓN GALEGA DE XIMNASIA é unha entidade privada, con personalidade xurídica propia, sen ánimo de lucro, o seu ámbito de territorialidade comprende a Comunidade Autónoma de Galicia no desenvolvemento das competencias que lle son propias, estando integrada polas entidades deportivas, deportistas, técnicos, xuíces- árbitros e outros colectivos, escolas municipais, entidades privadas, dedicados á práctica do deporte de ximnasia, nas seguintes modalidades: Acrobacia, Aeróbic, Ximnasia Artística Feminina, Ximnasia Artística Masculina, Ximnasia Rítmica Deportiva e Trampolín, afiliada a Federación Internacional de Trampolín.

A FEDERACIÓN GALEGA DE XIMNASIA, ademais das competencias que lle son propias, exerce por delegación funcións públicas de carácter administrativo actuando como axente colaborador de Administración Pública.

**Artigo 2.-** A FEDERACIÓN GALEGA DE XIMNASIA organízase orgánica e funcionalmente de forma democrática e representativa, con personalidade xurídica e patrimonio propio e independente do dos seus asociados, e plena capacidade de obrar, coas limitacións sinaladas por lei e disposicións vixentes, e pode adquirir, para os seus propios fins bens de toda clase, mobles e inmoables, contratar e obrigarse para o cumprimento das súas finalidades e está suxeita ás súas propias responsabilidades.

A FEDERACIÓN GALEGA DE XIMNASIA atópase integrada na Real Federación Española de Ximnasia ostentando, de maneira exclusiva, a representación desta dentro da Comunidade Autónoma de Galicia no referente ó deporte de ximnasia, conservando en tal integración a súa personalidade xurídica, o seu patrimonio propio e diferenciado, o seu presuposto e o seu réxime xurídico particular.

**Artigo 3.-** A FEDERACIÓN GALEGA DE XIMNASIA ten como obxecto social promocionar, dirixir e ordenar exclusivamente dentro de Galicia, sen prexuízo das competencias concorrentes das distintas Administracións Públicas, as actividades propias da súa modalidade deportiva, en coordinación cos organismos correspondentes da Xunta de Galicia, e rexerese pola lei 11/1997 e as súas normas de desenvolvemento, por estes Estatutos e os seus regulamentos, polos da Real Federación Española de Ximnasia.

A FEDERACIÓN GALEGA DE XIMNASIA é a única entidade competente dentro da Comunidade Autónoma de Galicia para promocionar, regulamentar, organizar, xestionar e controlar as competicións oficiais de acrobacia, aeróbic, ximnasia artística feminina, ximnasia artística masculina, ximnasia rítmica deportiva, trampolín e ximnasia xeral”.

**Artigo 4.-** A FEDERACIÓN GALEGA DE XIMNASIA, dentro da súa actividade na Comunidade Autónoma de Galicia, ademais das súas funcións propias de promoción, goberno, administración, xestión e organización da ximnasia, exercerá, baixo a coordinación e tutela da Dirección Xeral para o Deporte da Xunta de Galicia, as seguintes funcións públicas de carácter administrativo:

- a.-A promoción e divulgación da ximnasia en tódalas súas facetas.
- b.-Encauzar aos deportistas á práctica da ximnasia mediante os oportunos cursos de iniciación, formación e perfeccionamento.
- c.-Respaldo técnica e administrativamente a práctica da ximnasia velando ante os organismos competentes polo apoio a este deporte dentro de Galicia.

- d.-Cualificar e organizar as actividades e competicións deportivas oficiais de ámbito autonómico galego.
- e.-Exercer a potestade disciplinaria sobre os integrantes da Federación nos términos previstos pola Lei.
- f.-Exercer o control das subvencións que asignen ás asociacións e entidades Deportivas nas condicións que fixe a Dirección Xeral para o Deporte.
- g.-Executar, no seu caso, as resolucións do Comité Galego de Xustiza Deportiva.
- h.-Formación de técnicos e xuíces o seu perfeccionamento permanente.
- i.-Calquera outras que lle sexan atribuídas pola Lexislación vixente ou que acorde no ámbito da súa competencia a Asemblea Xeral.

Os actos realizados pola FEDERACIÓN GALEGA DE XIMNASIA no exercicio das funcións públicas de carácter administrativo, son susceptibles de recurso ante o/a Conselleiro/a de Cultura e Deporte, as súas resolucións esgotan a vía administrativa.

**Artigo 5.-** O domicilio social da FEDERACIÓN GALEGA DE XIMNASIA ( FGX ) establecece na localidade de residencia do seu Presidente, debendo notificar este ós afiliados e a Dirección Xeral para o Deporte. Para o traslado do domicilio a outra localidade, que deberá ser sempre dentro do territorio da Comunidade Autónoma Galega, será necesario o acordo maioritario da Asemblea Xeral reunida en Asemblea Extraordinaria. Estableceranse catro delegacións, unha por cada provincia.

A Comisión Delegada por maioría dos seus membros e cando as circunstancias o aconsellen, poderán acordar o cambio de domicilio social dentro da mesma localidade. En ambos casos, o traslado do domicilio social deberá ser notificado ós afiliados e a Dirección Xeral para o Deporte.

Na Asemblea Xeral, a efectos puramente de organización interna, estableceranse catro delegacións da FGX, unha por provincia,

### I.2.- CAPITULO II.- REQUISITOS PARA SER MEMBRO DA FEDERACIÓN, DEREITOS E DEBERES

**Artigo 6.-** As entidades deportivas poderán integrarse, a petición propia, na FEDERACIÓN GALEGA DE XIMNASIA sempre que teñan o seu domicilio social e desempeñen a súa actividade en Galicia e se encontren constituídos conforme ós requisitos esixidos para cada modalidade pola lexislación vixente e inscritos no Rexistro de Asociacións Deportivas e Deportistas de Galicia, debendo comprometerse a cumprir os Estatutos e Regulamentos da FEDERACIÓN GALEGA DE XIMNASIA e someterse á autoridade dos órganos federativos, en relación coas materias da súa competencia.

Os mesmos criterios e requisitos, no que sexa de aplicación, rexerán para a integración na FGX dos deportistas, técnicos- adestradores, xuíces e outros colectivos interesados se os houbera.

**Artigo 7.-** Todo o que se integre na FGX poderá integrarse a tódolos efectos na Real Federación Española da mesma especialidade deportiva.

**Artigo 8.-** A integración na FGX producirase mediante a expedición por parte desta da correspondente licenza federativa ou documento de afiliación ou inscrición. Dita expedición será acordada pola Xunta Directiva da FGX.

Contra a denegación, que deberá ser motivada, caberá recurso ante Asemblea Xeral, en primeira instancia.

En todo caso, para a participación en actividades ou competicións deportivas oficiais de ámbito autonómico será preciso estar en posesión de licenza ou documento de afiliación expedido pola FGX.

**Artigo 9.-** Tódolos membros da FGX teñen dereito a recibir a tutela da mesma con respecto ós seus intereses deportivos comúns e individuais, así como o de participar nas súas actividades e no funcionamento dos seus órganos, de acordo cos presentes estatutos e cos regulamentos internos daquela. Os membros da FGX teñen, á súa vez o deber de acata-los acordos dos seus órganos, sen que isto obste ó seu dereito de recorrer, ante as instancias federativas competentes e, no seu caso, ante os Tribunais de Xustiza ou **Dirección** Xeral para o Deporte, segundo proceda, aqueles que considere contrarios a Dereito, e sen prexuízo de acudir a conciliación extraxudicial ou arbitrase nos térmonos previstos nas Leis.

### **I.3.- CAPITULO III.- ESTRUCTURA TERRITORIAL**

**Artigo 10.-** A FGX estruturase territorialmente en catro Delegacións Provinciais

Cada Delegación quedará integrada polas entidades deportivas, deportistas, técnicos e xuíces / árbitros e outros colectivos, que correspondan ó ámbito territorial fixado pola Asemblea Xeral para cada Delegación provincial.

**Artigo 11.-** As Delegacións axustarán a súa actividade ás normas ditadas pola FGX a través dos órganos que correspondan.

**Artigo 12.-** Os titulares das Delegacións serán nomeados ou cesados polo/a Presidente/a da FGX, de acordo co artigo 32 dos presentes estatutos.

Ao fronte de cada Delegación estará un Delegado/a e, a ser posible, un/unha seecretario/a nomeada por el/ela.

## **II.- TITULO II.- DOS ORGANOS DE GOBERNO E REPRESENTACIÓN**

### **II.1.-CAPITULO I.- NORMAS XERAIS**

**Artigo 13.-** Son órganos de goberno e representación da FGX a Asemblea Xeral e o/a Presidente/a

No seno da Asemblea Xeral deberá constituírse unha Comisión Delegada de asistencia á mesma.

**Artigo 14.-**

1.- Serán órganos electivos da FGX o/a Presidente/a, a Asemblea Xeral e a Comisión Delegada no ámbito das súas respectivas competencias.

Os membros dos demais órganos e comités , serán designados e revocados libremente polo Presidente coas excepcións nos presentes Estatutos e na normativa vixente.

2.- O nomeamento ou renovación dos membros dos órganos de goberno e representación, dos órganos complementarios, e dos comités que puideran crearse dentro da Federación, deberán ser comunicados a

tódolos membros da Asemblea Xeral e a Dirección Xeral para o Deporte nun prazo máximo de 15 días a partir da data do nomeamento.

3.- Os órganos de goberno e representación reuniranse na forma e términos establecidos nestes estatutos; os seus acordos, salvo disposición expresa que dispoña o contrario adoptaranse por maioría simple; en caso de empate o/a Presidente/a terá voto de calidade. Os acordos poderán ser impugnados de conformidade co disposto na lexislación aplicable e nos presentes Estatutos.

4.- A responsabilidade dos membros dos órganos da Federación no exercicio da súas funcións será esixida no ámbito disciplinario de conformidade co disposto na Lei 11/1997, do 22 de agosto, xeral do Deporte de Galicia

5.- Son requisitos xerais para ser membro de calquera órgano da FEDERACIÓN GALEGA DE XIMNASIA, sen prexuízo do establecido regulamentariamente, os seguintes:

- a.-Ter a condición de cidadán de Galicia, segundo o disposto no artigo 3 da Lei orgánica 1/1981, de 6 de abril, do Estatuto de Autonomía de Galicia.
- b.-Ser maior de idade e estar en pleno uso dos dereitos civís.
- c.-Non estar suxeito á corrección disciplinaria de carácter deportivo que o inhabilite.
- d.-Non ter sido condenado mediante sentenza penal firme que leve anexa pena principal ou accesoria de inhabilitación absoluta ou especial para cargo público.
- e.-Non estar incurso en ningunha causa de incompatibilidade establecida legalmente ou nos presentes estatutos.
- f.-Reunir os requisitos específicos propios de cada estamento
- 

## **II.2.- CAPITULO II.- DA ASEMBLEA XERAL**

### **II.2.1.- SECCION PRIMEIRA.- NATUREZA, COMPOSICIÓN, NOMEAMENTO E CESE**

**Artigo 15.-** A Asemblea Xeral é o órgano superior de goberno e representación da FEDERACIÓN GALEGA DE XIMNASIA, no que estarán representados os seguintes estamentos:

- a.-Deportistas
- b.- Entidades deportivas escritas no Rexistro de Clubs, Federacións e Entidades Deportivas da Xunta de Galicia e no Rexistro de Clubs da FGX.
- c.-Xuíces
- d.-Técnicos/as
- e.-Outros Colectivos. A representación deste estamento será decisión da Asemblea Xeral no momento de aprobar o Regulamento Electoral en cada convocatoria

**Artigo 16.-** A Asemblea Xeral estará constituída polo/a Presidente/a da FGX e polos representantes recollidos no artigo anterior, tendo estes últimos a condición de electores elixibles se reúnen as seguintes condicións :

- a.-Os deportistas maiores de idade que cumpran os demais requisitos previstos na norma autonómica que resulte de aplicación
- b.-As entidades deportivas inscritas na FGX, nas mesmas circunstancias que as sinaladas no apartado anterior.
- c.-Os xuíces de calquera dos seis colectivos, Aeróbic, Acrobacia, Artística Feminina, Artística Masculina, Ximnasia Rítmica e Trampolín, que integran esta FGX, nas mesmas circunstancias que as sinaladas no parágrafo a.

- d.-Os técnicos con titulación oficialmente recoñecida de cada un dos colectivos que corresponden a cada unha das seis modalidades de ximnasia nas mesmas circunstancias que as sinaladas no parágrafo a.
- e.-Outros colectivos nas mesmas circunstancias que as sinaladas no parágrafo a.
- f.-Poderán asistir con dereito a voz, pero sen voto:
  - Os/As compoñentes da Xunta Directiva que non o sexan da Asemblea Xeral
  - Un/Unha representante de cada un dos colectivos de Xuíces, de Adestradores/as e de Ximnastas, que non teñan representación no estamento correspondente, e que reúnan as condicións sinaladas no parágrafo a.

**Artigo 17.-** A representación na Asemblea Xeral dos distintos estamentos, de acordo co establecido no artigo 15 destes Estatutos responderá as seguintes proporcións, proporcións fixadas no

- Deportistas	entre o 20 e o 30 %
- Entidades Deportivas	entre o 60 e o 75%
- Xuíces	entre o 5 e o 10 %
- Técnicos/as	entre o 5 e o 10%
- Outros	ata o 10%

As porcentaxes definitivas serán fixadas nos regulamento electoral correspondente a cada elección

**Artigo 18.-** A convocatoria de eleccións deberá indicar expresamente a porcentaxe concreta de representación que corresponde a cada un dos estamentos na Asemblea Xeral

**Artigo 19.-** Os/As membros da Asemblea Xeral e a Comisión Delegada cesarán polas seguintes causas :

- a.-Defunción.
- b.-Disolución da entidade á que representan.
- c.-Expiración do mandato para o que foi elixido.
- d.-Renuncia voluntaria ou dimisión.
- e.-Estar incurso en causa de inelixibilidade ou incompatibilidade legal ou estatutaria.
- f.-Sanción disciplinaria imposta en forma regulamentaria que implique o cese no cargo que ostenta.
- g.-Perdida dos requisitos polos que foron elixidos no seu respectivo estamento.

**Artigo 20.-** As vacantes que se produzan na Asemblea Xeral antes das seguintes eleccións xerais á mesma, serán cubertas, dentro de cada estamento e de maneira sucesiva, polos candidatos que no proceso electoral obtivesen maior número de votos despois dos que resultaron electos e, a falta destes, mediante a realización de eleccións parciais sempre que, neste último caso, as vacantes superen o 20% dos membros da Asemblea Xeral.

Os elixidos para ocupar as vacantes ás que se refire o apartado anterior ostentarán ou seu mandato polo tempo que falte para a celebración das seguintes eleccións xerais.

## II.2.2.- SECCIÓN SEGUNDA.- REXIME DE FUNCIONAMIENTO

### II.2.2.1. - COMPETENCIAS

**Artigo 21.-** A Asemblea Xeral, en canto órgano máximo de goberno e representación da Federación, pode adoptar calquera acordo ou decisión sobre a mesma, con sometemento ás regras de competencia e procedemento. Especialmente son competencias da Asemblea Xeral, as seguintes:

- a.- A aprobación e modificación dos Estatutos da FEDERACIÓN GALEGA DE XIMNASIA.
- b.- A elección mediante sufraxio libre, igual, directo o secreto do Presidente e da Comisión Delegada da FEDERACIÓN GALEGA DE XIMNASIA, así como o cese e a moción de censura ó Presidente.
- c.- Aprobación e liquidación do presuposto anual da FEDERACIÓN GALEGA DE XIMNASIA.
- d.- Aprobación do programa ou calendario deportivo anual a desenvolver pola FEDERACIÓN GALEGA DE XIMNASIA e das bases ou regulamentos que rexerán a competición.
- e.- Aprobación da creación de órganos territoriais da FGX
- f.-Aprobación do Regulamento de Eleccións á Asemblea, Presidente e da Comisión Delegada da FEDERACIÓN GALEGA DE XIMNASIA.
- g.- Aprobación do Regulamento sobre conciliación extraxudicial ou arbitrase.
- h.- Aprobación do Regulamento de Disciplina Deportiva
- i.- Calquera outra competencia da FGX que non estea expresamente atribuída polos presentes estatutos a outro órgano.
- k.-Establecer os criterios que terá que observar a Comisión Delegada na aplicación do proxecto do calendario deportivo, dos presupostos e dos regulamentos.

### II.2.2.2.- CONVOCATORIA

**Artigo 22.-** A Asemblea Xeral será convocada polo/a Presidente/a da FEDERACIÓN GALEGA DE XIMNASIA, con un mínimo de 10 días naturais de antelación á data da súa celebración, no taboleiro de anuncios da FGX, debendo incluír necesariamente os puntos da orden do día a tratar, ademais da notificación individual a cada un dos membros á dirección que deberá constar na FGX. A notificación remitirase por calquera medio que permita ter constancia da recepción cunha antelación mínima de corenta e oito horas. Os defectos formais na convocatoria non darán lugar a nulidade da Asemblea sempre e cando os membros da mesma recibisen a convocatoria coa orde do día no prazo establecido e , en todo caso, a Asemblea será válida, sen necesidade de ningún outro requisito, sempre que concorran a totalidade dos membros da mesma.

A orde do día das Asembleas Ordinarias deberá ser modificada, no sentido de incorporar novos puntos, a petición fundada duna quinta parte dos membros da Asemblea Xeral e sempre que esta incorporación se solicite cunha marxe de tempo suficiente para que poida ser notificada a tódolos membros da Asemblea Xeral mediante a notificación e a publicación no taboleiro de anuncios da FEDERACIÓN GALEGA DE XIMNASIA cunha antelación mínima de 3 días á data de celebración.

**Artigo 23 .-** O Presidente da FEDERACIÓN GALEGA DE XIMNASIA deberá convocar unha Asemblea Xeral Ordinaria anualmente antes do inicio da nova tempada deportiva para trata-los asuntos propios da xestión e, como mínimo, para aprobación da Memoria anual de actividades, a aprobación do novo presuposto e a liquidación das propostas que formulen os membros da Asemblea, da Comisión Delegada, da Xunta Directiva e o/a Presidente/a.

Tódalas demais Asembleas terán carácter extraordinario e serán convocadas polo/a Presidente/a da FEDERACIÓN GALEGA DE XIMNASIA sempre que o estime oportuno, ou a petición dun número de membros que integran a Asemblea non inferior ó 25%. Neste caso, os solicitantes deberán formular unha petición por escrito dirixido ao/á Presidente/a da FGX, indicando os puntos que compoñerán a orde do día. O/a Presidente/a, no prazo máximo de 10 días naturais dende a entrada da petición no rexistro da Federación Galega de Ximnasia deberá convoca-la Asemblea Xeral con carácter extraordinario, con requisitos de forma sinalados nestes estatutos, e coa orde do día solicitado, sen incluír ningún outro punto , a celebrar nun prazo non superior a 20 días naturais dende a convocatoria. Caso de negativa pasiva expresa do Presidente a efectuar a convocatoria, ou pasados 10 días dende que a solicitude fose efectuada sen ter sido respondida, os solicitantes poderán facer uso dos dereitos que a lexislación vixente establece, ante a **Dirección** Xeral para o Deporte para a convocatoria dos órganos colexiados de goberno.

Cando o Presidente da FGX aprecie a existencia duna situación urxente que non permita demora na convocatoria da Asemblea Extraordinaria, poderá convocala sen suxeición a prazo nin requisito de forma algunha salvo a citación persoal dos asembleístas que poidan ser localizados nos domicilios que consten na FGX. En todo caso a Asemblea requirirá como mínimo a presenza de 2/3 dos seus membros e antes de analizar a orde do día pronunciárase previamente, por maioría de asistentes, sobre a urxencia da convocatoria e a necesidade ou non da súa celebración. En todo caso unha Asemblea convocada desta forma non poderá modificarse os estatutos.

A **Dirección** Xeral para o Deporte, ou órgano que a substituíra, convocará a Asemblea Xeral ou a Comisión Delegada, para debate e resolución, se procede, de asuntos e cuestións determinadas, cando aquelas non se convocasen por que ten a obriga estatutaria ou legal de facelo en tempo regulamentario.

**Artigo 24 .-** A Asemblea Xeral quedará validamente constituída en primeira convocatoria, cando a ela concorran a maioría dos seus membros.

En segunda convocatoria será válida sexa cal sexa o número de asistentes sen que en ningún caso poida ser inferior a tres. Deberá mediar un mínimo de media hora entre a primeira e a segunda convocatoria.

## II.2.2.3 .- ADOPCIÓN DE ACORDOS

**Artigo 25.-** Non será admisible en modo ningún para a formación da vontade dos órganos colexiados da F.G.X. nin para o establecemento do seu quórum o voto por correo nin a delegación de voto, e será por tanto, necesaria a presenza física dos seus membros. Exceptúanse as eleccións dos membros da Asemblea Xeral, se así se aprobase no Regulamento Electoral.

As entidades poderán ser representadas de conformidade os seus propios Estatutos.

Ninguén poderá ostentar na Asemblea Xeral mais duna delegación de voto.

**Artigo 26.-** As votacións no seno da Asemblea Xeral realizaranse de acordo con o que decida a maioría, respectando a solicitude de voto secreto.

**Artigo 27.-** A Asemblea Xeral será presidida polo/a Presidente/a da FGX, e o seu voto será de calidade en caso de empate. Os acordos adoptáranse por maioría simple dos asistentes, agás as excepcións previstas nos presentes estatutos ou noutras normas legais ou regulamentarias.

Aos efectos de cómputo de quóruns e maiorías, cando estes se conformen cun número impar de asembleístas, computáranse sempre por exceso e con referencia ó número daqueles efectivamente existentes como membros da Asemblea, descontadas as vacantes.

Os membros da asemblea poderán votar afirmativamente ou negativamente ou ben votar a abstención. Cando o voto sexa de abstención, non se computará para a obtención da maioría, téndose en conta os votos afirmativos e os negativos.

**Artigo 28.-** De tódolos acordos adoptados na Asemblea Xeral e Comisión Delegada levantárase acta polo Secretario das mesmas, especificando os datos seguintes:

- a.-Lugar e data da reunión.
- b.-Día, mes e ano.
- c.-Hora en que comeza e remata a sesión.
- d.-Nome e apelidos do/a Presidente/a, do Secretario e dos restantes membros asistentes.
- e.-Carácter ordinario ou extraordinario da sesión e si se celebra en primeira ou segunda convocatoria.
- f.-Asuntos que se examinen e acordos que sobre dos mesmos recaian.
- g.-Resultados das votacións e, no seu caso, os votos particulares contrarios o acordo adoptado e as abstencións motivadas.
- h.-Cantos incidentes se produzan durante o acto e foran dignos de reseñar ó xuízo do/a Secretario/a.

Os votos contrarios ó acordo adoptado ou as abstencións motivadas eximirán a quen os remita de calquera responsabilidade derivada de tales acordos.

**Artigo 29.-** Os acordos da Asemblea Xeral e da Comisión Delegada, serán vinculantes e de obrigatorio cumprimento para a totalidade dos órganos, persoas e entidades que integran a F.G.X. e terán forza executiva a partir da data da súa adopción.

**Artigo 30.-** A Asemblea Xeral non poderá adoptar ningún acordo ou realizar ningún acto que poida comprometer de forma irreversible o seu patrimonio ou actividade que constitúe o obxecto propio da F.G.X..

## II.3.- CAPÍTULO III.- DA COMISIÓN DELEGADA

### II.3.1.-NATUREZA, CONSTITUCIÓN, COMPOSICIÓN E FUNCIONAMENTO

**Artigo 31.-1.-** No seno da Asemblea Xeral deberá constituírse unha Comisión Delegada que terá carácter electivo e será un órgano de goberno e representación da F.G.X..

2.- A Comisión Delegada será elixida pola Asemblea Xeral na primeira reunión que este celebre despois da súa constitución mediante sufraxio entre os membros da mesma. O seu mandato coincidirá co da Asemblea Xeral. No caso de producirse algunha vacante cubrirase co seguinte candidato mais votado.

3.- A Comisión Delegada estará composta por representantes cada un de eles dos estamentos sinalados con anterioridade: clubs,técnicos/as, xuíces/zas e ximnastas. O número de representantes de cada un virá marcado polo regulamento electoral correspondente.

4.- O/a Presidente/a da F.G.X. convocará á Comisión Delegada que se reunirá como mínimo cada 4 meses para os fins da súa competencia e ó menos para realizar o seguimento da xestión deportiva e económica da F.G.X..

5.- Corresponde á Comisión Delegada da Asemblea Xeral:

- a.-A elaboración dun informe previo á aprobación dos presupostos.
- b.-A modificación do calendario deportivo.
- c.-A modificación dos presupostos e dos regulamentos.
- e.-O seguimento da xestión deportiva e económica da F.G.X..

As modificacións non poderán exceder dos límites e criterios que a propia Asemblea Xeral estableza.

A proposta sobre os temas que se van tratar na Comisión Delegada corresponde ao/á Presidente/a ou a **catro** dos membros da Comisión Delegada.

6.- Os membros da Comisión Delegada cesarán polas mesmas causas cos da Asemblea Xeral, e tamén por deixar de ser membro desta última.

7.- A convocatoria da Comisión Delegada corresponderalle ao/á Presidente da F.G.X., debendo ser notificada ós seus membros cunha antelación de sete días naturais, e os acordos adoitaranse por maioría simple, agás que estatutariamente se dispoña outro quórum.

8.- Para o non previsto nos parágrafos anteriores, aplicaranse as previsións establecidas para a Asemblea Xeral, en canto non sexan incompatibles coa natureza da Comisión Delegada.

## **II.4.-CAPÍTULO IV.- O/A PRESIDENTE/A**

**Artigo 32.-** O presidente da F.G.X. é órgano de goberno e representación que ostenta a súa representación legal, convoca e preside os órganos de goberno e representación e executa os acordos dos mesmos. O Presidente nomeará delegados nas localidades aprobadas pola Asemblea Xeral, que actuarán seguindo as instrucións daquel e por delegación nas funcións que se lle encomenden. Ditos delegados poderán ser cesados ou substituídos polo Presidente según o seu criterio.

**Artigo 33.-** A duración do cargo de Presidente será de 4 anos.

No caso de que, excepcionalmente, quede vacante a Presidencia antes de que transcorra o prazo para o que foi elixido, considerarase dimisionaria toda a Xunta Directiva, constituíndose a Comisión Delegada en Comisión Xestora, presidida polo membro de maior idade. Convocará a Asemblea Xeral, e esta acordará unha nova elección do Presidente para cubrila vacante polo tempo que falte ata a terminación do prazo correspondente ó mandato ordinario. Se a vacante se produce por prosperar unha moción de censura, estarase ó disposto no artigo 36 destes estatutos.

**Artigo 34.-** O desempeño do cargo de Presidente será causa de incompatibilidade coas seguintes actividades:

- a.-Ocupación de cargos federativos noutras Federacións Deportivas; agás a Real Federación Española de Ximnasia.
- b.-Desenvolvemento de actividades ou desempeño de cargos en asociacións deportivas, ou clubs dependentes integrados na F.G.X..
- c.-A persoa que resulte elixida como Presidente da F.G.X. deberá cesar en todo tipo de actividades directivas e actividades técnicas no deporte específico e no ámbito territorial da Federación.

Non existirá incompatibilidade, en ningún caso coa práctica activa do deporte fora do ámbito federativo.

**Artigo 35.-** O/A Presidente/a cesará por:

- a.-Transcurso do prazo polo que foi elixido.
- b.-Dimisión.
- c.-Incapacidade física ou psíquica para continua-lo exercicio do seu cargo.
- d.-Aprobación duna moción de censura pola Asemblea Xeral.
- e.-Por incorrer en causa de inelixibilidade, ou incompatibilidade, se ben, neste último caso disporía dun prazo dun mes para cesar no posto que resulte incompatible co de Presidente/a.

**Artigo 36.-** A moción de censura ao/á Presidente/a poderá ser presentada polos membros da Asemblea Xeral que constitúan ó menos a maioría legal da mesma mediante escrito presentado no Rexistro da F.G.X.. En dita petición deberán solicitar do/a Presidente/a a convocatoria dunha Asemblea Xeral Extraordinaria con dita moción como único punto da Orden do Día así como propoñer un candidato alternativo á Presidencia.

Para a convocatoria da Asemblea Xeral Extraordinaria a que se refire este artigo, estarase ó disposto no artigo 22 destes estatutos. A sesión da Asemblea Xeral en que se debata a moción de censura, estará presidida polo membro de maior idade. Non será válido o voto por correo nin a asistencia por representación.

Se a moción de censura non prosperase, non poderá presentarse unha nova dentro do mesmo período de mandato, como tampouco poderá presentarse, caso de prosperar, contra o candidato investido en dita moción polo tempo que falte para concluír o período ordinario, dun ano.

## **III.- TÍTULO III.- ÓRGANOS COMPLEMENTARIOS DOS DE GOBERNO E REPRESENTACIÓN**

**Artigo 37.-** Son órganos complementarios dos de goberno e representación da F.G.X. para asistir ó Presidente:

- a.-A Xunta Directiva.

- b.-O/A Secretario/a Xeral.
- c.-O/A Secretario/a Técnico/a
- d.-O/A Tesoureiro/a.

### III.1.- A XUNTA DIRECTIVA

**Artigo 38.- 1.-** A Xunta Directiva é o órgano Colexiado de xestión da F.G.X. os seus membros designados e revocados libremente polo Presidente.

O número de membros será establecido polo/a Presidente/a e non poderá ser inferior a 5 nin superior a 15.

O Presidente elixirá entre os membros da súa Xunta Directiva un Vicepresidente, que o será tamén da F.G.X., quen substituirá ao/á Presidente/a por delegación, imposibilidade física ou ausencia temporal; un Secretario que, a súa vez, o será da F.G.X., así como un/unha Tesoureiro/a. Tales cargos, en canto baseados na confianza, poderán ser removidos polo/a Presidente/a cando o considere conveniente.

Os membros da Xunta Directiva que non o sexan da Asemblea Xeral, terán acceso ás sesións da mesma, con dereito a voz pero sen voto.

Tódolos cargos son honoríficos e, no caso de establecerse unha compensación económica a favor de algún dos seus membros da Xunta Directiva, deberá ser expresamente acordada pola Asemblea Xeral por maioría absoluta e constar duna maneira diferenciada no Presuposto. En ningún caso a compensación económica poderá ser satisfeita con cargo ás subvencións públicas que reciba a Federación.

**2.-** A Xunta Directiva reunírase en sesión ordinaria, cando menos, unha vez cada tres meses. As demais sesións serán extraordinarias.

A convocatoria correspóndelle ao/á Presidente/a, que a notificará cunha antelación mínima de 48 horas. Non será esixible o transcurso do tempo citado cando tódolos membros da Xunta Directiva estiveran presentes e unanimemente decidiran convocar e celebrar unha sesión.

Para o previsto neste paragrafo, aplicárase o disposto para o funcionamento da Comisión Delegada.

### III.2.- O/A SECRETARIA XERAL

**3.-** O/A Presidente/a da F.G.X. nomeará a un/unha Secretario/a Xeral, o cal exercerá as funcións de feudatario, e mais especificamente:

- a.-Levantar actas das sesións dos órganos de goberno e representación da F.G.X., co contido determinado no artigo 28.
- b.-Expedir as certificacións oportunas das actas dos órganos de goberno e representación.
- c.-Remitir á Secretaria Xeral para o Deporte as actas das reunións a Asemblea Xeral e da Comisión Delegada no prazo de 15 días dende a data da súa celebración, así como as convocatorias das mesmas.
- e.-Levar os libros de actas individualizados para cada órgano Colexiado, os libros de rexistro e os arquivos da F.G.X..
- f.-Preparar as reunións dos Órganos Colexiados nos que actúa como Secretario/a e a documentación correspondente.
- g.-Velar polo cumprimento acordos adoptados.

- h.-Cantas funcións lles encomenden os estatutos e regulamentos da F.G.X., ou lle sexan delegados polo/a Presidente/a.

### III.3.- O/A SECRETARIO/A TECNICO/A

**4.-** O/A Presidente/a da F.G.X. nomeará a un/unha Secretario/a Técnico/a, o cal exercerá as funcións seguintes:

- Actuar como secretario/a de tódolos comités técnicos. Terá voz pero non voto.
- Preparar as reunións dos Órganos Colexiados nos que actúa como Secretario/a e a documentación correspondente.
- Levantar acta das reunións dos mesmo.
- Ser o/a responsable de tódolos campionatos en representación da F.G.X.
- Preparar a memoria anual da F.G.X.
- Velar polo cumprimento acordos adoptados.

### III.4.- O/A TESOUREIRO

**5.-** O/A Presidente/a da F.G.X. nomeará a un/unha Tesoureiro. Exercerá como funcións propias:

- a.-Levar a contabilidade da Federación.
- b.-Exercer a inspección económica de tódolos órganos da F.G.X..
- c.-Elaborar e presentar os Balances e informes á Comisión Delegada do estado contable da F.G.X., e confeccionar a liquidación do presuposto.
- d.-Calquera outra función que lle encomenden o/a Presidente/a, os Estatutos ou os Regulamentos da F.G.X..

No suposto de que non se nomeara Tesoureiro/a, o/a Presidente/a será o responsable de exercer as funcións anteriores, podendo delegalas na persoa que considere oportuna.

### III.5.- NORMAS XERAIS

**Artigo 39.-** Para ser membro da Xunta Directiva non será necesario formar parte da Asemblea Xeral, nin da F.G.X.

**Artigo 40.- 1.-** Os membros da Xunta Directiva cesarán polas seguintes causas:

- a.-Baleiro na Presidencia, sen prexuízo da súa conversión en Comisión Xestora nos casos previstos nos Estatutos.
- b.-Dimisión.
- c.-Falecemento ou incapacidade física ou psíquica para continuar no exercicio do seu cargo.
- d.-Por incorrer en causa de inelixibilidade, ou incompatibilidade.
- e.-Cesados directamente polo/a Presidente/a co cumprimento das comunicacións a que se refiren os presentes Estatutos.
- f.-Por ter prosperado unha moción de censura contra o/a Presidente/a.

**2.-** Os/As Secretarios/as, **xeral e técnico/a**, e o/a Tesoureiro/a continuarán no desempeño das súas funcións, si ben, o novo/a Presidente/a deberá, dentro dos 15 días seguintes ó da toma de posesión do seu cargo, confirmalos ou cesalos nos seus cargos.

**Artigo 41.-** A Xunta Directiva como órgano colaborador do/a Presidente/a non terá competencias propias e exercerá por delegación as que lle encomende o/a Presidente/a que poderá nomear e cesar en calquera momento.

**Artigo 42.-** Os asuntos ordinarios de trámite serán despachados polo/a Presidente/a e os/as Secretarios/as, xeral e técnico/a.

## IV.- TÍTULO IV.- DOS ORGANOS TÉCNICOS E ASESORES

### IV.1.- CAPÍTULO I.- COMISIONS EN XERAL.

**Artigo 43.- 1-** A Federación creará, previa aprobación pola Asemblea Xeral, polo menos as seguintes comisións:

- a.-Os Comités de Disciplina Deportiva: Comité de Competición ou Xuíz único e Comité de Apelación.
- b.-Comité de Xuíces Árbítrós.
- c.-Escola Galega de Ximnasia.
- d.-Un Comité técnico por cada modalidade ximnástica, coa función de elaborar e presentar os programas técnicos para a súa aprobación pola Asemblea Xeral:
  - Comité Técnico de Aeróbic.
  - Comité Técnico de Ximnasia Acrobática
  - Comité Técnico de Ximnasia Artística Feminina.
  - Comité Técnico de Ximnasia Artística Masculina
  - Comité Técnico de Ximnasia Rítmica
  - Comité Técnico de Trampolín
  - Comité Técnico de Ximnasia Xeral

Tódalas Comisións rexeranse polos seus respectivos regulamentos internos e, no seu caso, pola normativa nacional unificada e emanada da Real Federación Española de Ximnasia da mesma modalidade, pola lexislación aplicable, e polo disposto nos presentes Estatutos.

Tódolos comités serán presididos polo/a Presidente/a da F.G.X. e os seus membros serán nomeados por el/ela.

### IV.2.- CAPÍTULO II.- COMITÉ DE XUÍCES-ARBRITOS

**Artigo 44.-** No seno da Federación constituirase, de maneira obrigatoria, un Comité de Xuíces ou Árbítrós.

Este Comité poderá adoptar a estrutura territorial da F.G.X..

Serán funcións deste Comité:

- a.-Establece-los niveis de formación de xuíces.
- b.-Clasificar tecnicamente aos xuíces, en función de criterios prefixados pola Asemblea Xeral, proponendo á Xunta Directiva a adscripción ás categorías correspondentes. Estas clasificacións comunicaranse á Asemblea Xeral.
- c.-Propoñer os candidatos a Xuíces ou Árbítrós nacionais.

- d.-Propoñer á Xunta Directiva as normas administrativas que regulan a arbitrase, para a súa posterior aprobación pola Asemblea Xeral.
- e.-Designar os xuíces nas competicións oficiais de ámbito galego.
- f.-Colaborar cos órganos competentes da Federación.

## V.- TÍTULO V: RÉXIME ELECTORAL

### V.1.- CAPÍTULO I.- OS CENSOS

**Artigo 45.-** Compoñerán os censos correspondentes a cada estamento electoral tódolos membros da F.G.X. que reúnan os requisitos establecidos para cada estamento nos presentes Estatutos e no Regulamento Electoral.

### V.2.- CAPÍTULO II.- REGULAMENTO ELECTORAL

**Artigo 46.-** Os procesos electorais desenvólvanse conforme ó Regulamento Electoral que deberá ser aprobado pola Asemblea Xeral, a proposta do Presidente, e regulará as seguintes cuestións:

- a.- Número de membros da Asemblea Xeral; circunscrición electoral e número de representantes que por cada circunscrición electoral corresponda a cada un dos estamentos.
- b.- Circunscricións electorais.
- c.-Calendario electoral.
- d.-Censo electoral.
- e.-Composición, competencias e funcionamento da Xunta Electoral.
- f.-Requisitos para presentación e proclamación de candidatos.
- g.-Procedemento de resolución de conflitos, impugnacións e reclamacións así como os recursos electorais.
- h.-Regulación de voto por correo nas eleccións á Asemblea Xeral. Non poderá existir na elección a Presidente/a e Comisión Delegada
- i.-Composición, competencia, funcionamento e colocación das mesas electorais.
- k.-Elección do Presidente.
- l.-Elección da Comisión Delegada.

O Regulamento Electoral deberá ser ratificado pola Dirección Xeral para o Deporte.

### V.3.- CAPÍTULO III.-A COMISIÓN XESTORA

**Artigo 47.-** Acordada a convocatoria de eleccións pola Asemblea Xeral e aprobado o Regulamento electoral, o Presidente procederá no prazo sinalado no mesmo á convocatoria de eleccións á Asemblea Xeral. A partir dese momento, a Xunta Directiva, e o Presidente constituirase en Comisión Xestora, e someterán o Regulamento Electoral á ratificación pola Dirección Xeral para o Deporte.

A Comisión Xestora garantirá a máxima difusión e publicidade das convocatorias de eleccións á Asemblea Xeral e Presidente, así como, do Regulamento Electoral coas medidas previstas nas disposicións federativas a través dun medio que permita asegura-la recepción de dita notificación. Deberá expoñerse o Regulamento Electoral en cada circunscrición electoral o mesmo día da convocatoria.

A Comisión Xestora administrará a Federación e convocará e realizará novas eleccións no prazo máximo de tres meses no caso de que non se presentara ningunha candidatura ou non fose válida ningunha das presentadas.

#### **V.4.- CAPÍTULO IV.- CIRCUNSCRIPCIÓN ELECTORAL**

**Artigo 48.-** A circunscrición electoral será única para toda a Comunidade Autónoma galega.

#### **V.5.- CAPÍTULO V.- XUNTA ELECTORAL**

**Artigo 49.- 1.-** a Xunta Electoral está composta por tres membros, elixidos por sorteo entre candidatos presentados . Designarase tamén os membros suplentes, en igual número e condición cos titulares.

**2.-** De entre os membros designado, o Presidente será o de maior idade, e actuará como Secretario o de menor idade.

**3.-** Os membros da Xunta Electoral non poderán figurar como candidatos á Asemblea Xeral e a Presidencia da F.G.S..

**4.-** A Xunta Electoral controlará todo o proceso electoral e terá competencia para coñecer e resolve-las incidencias que se produzan sobre o Censo Electoral, presentación e proclamación de candidatos, proclamación de membros da Asemblea Xeral e Comisión Delegada e do Presidente da F.G.X., así como a decisión de calquera outras cuestións que afecten directamente á celebración das eleccións e ós seus resultados. Unha vez proclamados definitivamente os candidatos, levantará acta da votación e recuento e remitirá a Acta á Dirección Xeral para o Deporte no prazo máximo de tres días.

#### **V.6.- CAPÍTULO VI.- MESAS ELECTORAIS**

**Artigo 50.-** Para a elección dos distintos estamentos da Asemblea Xeral, constituiranse unha ou varias mesas electorais na forma establecida no Regulamento Electoral. Os membros destas mesas non poderán ser candidatos, asustándose no seu funcionamento ás normas que se establezan no Regulamento Electoral.

#### **V.7.- CAPÍTULO VII.-RECURSOS**

**Artigo 51.-** As reclamacións e impugnacións que se presenten contra calquera acto electoral dirixiranse á Xunta Electoral e contra o que esta resolva caberá recursos ante o Comité Galego de Xustiza Deportiva. Así mesmo caberá recurso ante o Comité Galego de Xustiza Deportiva, contra tódolos actos, acordos ou resolucións da Xunta Electoral ou calquera outro órgano ou membros da Federación en materia electoral.

#### **V.8.- CAPÍTULO VIII.- ELECCIÓN DA ASAMBLEA XERAL**

**Artigo 52- 1.-** Os membros da Asemblea Xeral serán elixidos cada catro anos coincidindo cos Xogos Olímpicos de Inverno mediante sufraxio libre, secreto, igual e directo entre e polos compoñentes dos distintos estamentos da F.G.X..

**2.-** As eleccións á Asemblea Xeral serán acordadas pola mesma que aprobará a convocatoria con tódolos requisitos que se establecerán no Regulamento Electoral, que así mesmo se aprobe.

**3.-** Acordada pola Asemblea Xeral a convocatoria de eleccións, o acordo será formalmente executado polo Presidente da Federación, quen asignará a mesma.

**4.-** Dende a convocatoria para a celebración desta Asemblea Xeral a Xunta Directiva e o Presidente constituiranse en Comisión Xestora, de acordo co disposto no artigo 47 dos presentes estatutos.

**Artigo 53.** Para ser candidato a membro da Asemblea Xeral requírese o cumprimento dos requisitos establecidos con carácter xeral no artigo 14.5 destes estatutos.

Os requisitos esixidos para ser electores ou elixibles deberán terse cumpridos no día no que se publique a convocatoria de eleccións.

**Artigo 54.** As eleccións á Asemblea Xeral realizaranse para cada un dos postos correspondentes ós estamentos integrantes da mesma de acordo co previsto nestes Estatutos e no Regulamento Electoral.

**Artigo 55.** Os representantes das entidades deportivas na Asemblea Xeral serán elixidos, no caso que sexa preciso, por e entre os representantes dos que integran o censo de entidades deportivas inscritas no rexistro público da F.G.X. e no Rexistro de Asociacións Deportivas e Deportistas de Galicia, no momento da convocatoria das eleccións e que cumpran os demais requisitos previstos na norma autonómica que resulte de aplicación

**Artigo 56.** Os representantes dos deportistas na Asemblea Xeral serán elixidos por e entre os deportistas maiores de idade que cumpran os demais requisitos previstos na norma autonómica que resulte de aplicación

**Artigo 57.** Os representantes dos técnicos, adestradores e dos Xuíces-árbitros na Asemblea Xeral serán elixidos por e entre os pertencentes a cada estamento, que cumpran os demais requisitos previstos na norma autonómica que resulte de aplicación

#### **V.9.- CAPÍTULO IX.- ELECCIÓN DE PRESIDENTE/A**

**Artigo 58.-** Unha vez concluídas as eleccións á Asemblea Xeral, o Presidente da Comisión Xestora, previo acordo da mesma, procederá inmediatamente á convocatoria de dita Asemblea para elixir o Presidente e a Comisión Delegada da F.G.X..

O Presidente será elixido para un período de catro anos, coincidindo cos anos en que se celebren Xogos Olímpicos de Inverno, pola Asemblea Xeral, mediante sufraxio libre, directo, igual e secreto por tódolos membros de dita Asemblea Xeral previa a presentación e aceptación das candidaturas correspondentes que deberán estar avaladas ao menos polo 10% dos membros da Asemblea Xeral.

**Artigo 59.-** Será elixido Presidente o candidato que obteña a maioría absoluta dos votos dos membros presentes . No caso de que ningún candidato alcance esta maioría procederase a unha segunda votación entre os dous candidatos máis votados, resultando elixido o que obteña a maioría de votos.

No suposto de que se presentara un só candidato, non se efectuará votación, sendo proclamado presidente o único candidato pola Xunta Electoral.

O Presidente electo deberá tomar posesión ante a Mesa de Idade na mesma sesión en que fose nomeado e, se non estivera presente, a Mesa deberá notificarlle de forma inmediata o nomeamento,



dándolle prazo de tres días hábiles para que se presente no domicilio da F.G.X. e ante a citada Mesa, tome posesión do seu cargo. No suposto de que non se leve a cabo tal posesión no prazo e forma sinalados, a Presidencia quedará vacante e o Presidente da Mesa de Idade convocará con urxencia a Asemblea Xeral para o nomeamento do seguinte candidato mais votado ou apertura dun novo proceso electoral para elección de Presidente.

**Artigo 60.-** Para poder ser candidato a Presidente da F.G.X., haberán de reunirse as condicións seguintes:

- a.-Ter a condición de cidadán de Galicia, tal como dispón o Estatuto de Autonomía.
- b.-Ser maior de idade e estar en pleno uso dos dereitos civís.
- c.-Non estar incurso en ningunha sanción deportiva que o inhabilite, ditada polos órganos disciplinarios da F.G.X. ou polo Comité Galego de Disciplina Deportiva.
- d.-Non ter sido condeado mediante sentenza xudicial firme que leve anexa pena principal ou accesoria de inhabilitación absoluta ou especial para o desempeño de cargos públicos.

**Artigo 61.-** A votación será mediante sufraxio libre, igual, directo e secreto, non admitíndose o voto por correo nin por delegación das persoas físicas.

## V.10-CAPÍTULO X.- ELECCIÓN DA COMISIÓN DELEGADA

**Artigo 62.-** Na mesa Asemblea Xeral convocada para a elección de Presidente, e unha vez realizada esta, procederase a elección dos membros da Comisión Delegada da Asemblea Xeral.

A Comisión Delegada estará composta por 7 membros, e ademais o Presidente da F.G.X..

Os membros da Comisión Delegada serán elixidos por e entre os integrantes da Asemblea Xeral, mediante sufraxio libre, igual, directo e secreto.

Serán elixidos membros da Comisión Delegada os que obteñan maior número de votos hasta cubrir o número de membros correspondente á Comisión Delegada

## VI.-TÍTULO VI.- RÉXIME ECONÓMICA

**Artigo 63-** A F.G.X. está sometida ó réxime de administración, presuposto e patrimonio propio e caixa única.

O tesoureiro someterá á Asemblea Xeral ordinaria un balance de situación e as contas de ingresos e gastos, memoria económica, así como o presuposto para a tempada seguinte, balance e presuposto que deberá ser notificado á Dirección Xeral para o Deporte.

Non poderá aprobarse un presuposto deficitario salvo autorización da Dirección Xeral para o Deporte. Tampouco poderán repartirse beneficios entre os seus membros.

A F.G.X. elaborará unha memoria que analizará fielmente a actividade económica da mesma, a súa adecuada actuación presupostaria, o cumprimento dos obxectivos e os proxectos a desenrolar, e informará separadamente como mínimo sobre dos seguintes aspectos:

1.- Diferenciación dos ingresos e achegas económicas :

- a.-Subvencións públicas.
- b.-Subvencións, donativos ou achegas privadas.

- c.-Ventas de activos.
- d.-Ingresos procedentes de competicións organizadas.
- e.-Ingresos para servizos prestados pola Federación, permisos, licenza e outros.
- f.-Ingresos financeiros.

2.- Tamén constará o destino da totalidade dos recursos, distinguindo como mínimo os grupos de custo ou inversións seguintes:

- a.-Administración da Federación.
- b.-Dirección e Servizos da Directiva, incluíndo viaxes.
- c.-Competicións.
- d.-Axudas a clubs e outras entidades.
- e.-Axudas para actos deportivos
- f.-Construcións e outros inmovilizados.
- g.-Formación de deportistas e técnicos.
- h.-Deportes de elite e profesional.
- i.-Árbitros.
- k.-Órganos xurisdiccionais.

3.- O importe das obrigacións de pago que é necesario satisfacer noutros exercicios que non estean previstos no balance.

4.- O importe das garantías e os avais comprometidos.

5.- A liquidación do presuposto, que explique as variacións en relación co presuposto aprobado na Asemblea anterior.

As contas anuais e os presupostos estarán no domicilio social da F.G.X. cunha antelación mínima de 10 días á data de celebración da Asemblea Xeral, a disposición das persoas ou entidades con dereito a voto, na mesma, as cales poderán pedir copia que se lles entregará antes da celebración da Asemblea.

**Artigo 64-** Constitúen os ingresos da F.G.X.:

- a.-As subvencións ordinarias e extraordinarias da Xunta de Galicia ou as que outras Entidades públicas poidan concederlle, así como as que poida recibir, no seu caso da Real Federación Española da mesma modalidade deportiva.
- b.-Os bens ou dereitos que reciba por herdanza, legado ou doazón de persoas físicas ou entidades particulares así coma os premios que lle sexan outorgados.
- c.-As cuotas dos seus afiliados.
- d.-As sancións pecuniarias que se lle poidan impor ós seus afiliados dentro do exercicio de potestade disciplinaria.
- e.-Os froitos, rendas e intereses dos seus bens patrimoniais.
- f.-Os prestamos ou créditos que se lle concedan.
- g.-Os beneficios que produzan as actividades e competicións deportivas que organice, así como os derivados dos contratos que realice.
- h.-Calquera outros que poidan serlle atribuídos por disposición legal ou en virtude de convenio.

**Artigo 65-** A F.G.X. destinará a totalidade dos seus ingresos e patrimonio á consecución dos fins do seu obxecto social.

**Artigo 66-** A xestión económica ordinaria correrá a cargo do Tesoureiro, baixo a dirección do Presidente, coidando das operacións de cobros e pagos. Autorizará coa súa sinatura, mancomunada ca do Presidente, ou ca do Vicepresidente autorizado, tódolos documentos de movementos de fondos. Será responsable de

levar e custodiar os libros de contabilidade. Formulará os balances que anualmente, deberán presentarse á Asemblea Xeral para a súa aprobación.

## VII.- TÍTULO VII.- RÉXIME DOCUMENTAL

**Artigo 67-** O réxime documental da FEDERACIÓN comprenderá, como mínimo, os seguintes libros debidamente dilixenciados:

- a.-Libro de rexistro da entrada e saída de documentos comunicacóns oficiais.
- b.-Libro de rexistro de clubs nos que constarán a denominación destes, domicilio social e número de inscrición no Rexistro de Asociacións Deportivas e Deportistas de Galicia, e número de inscrición na Real Federación Española de Ximnasia no seu caso.
- c.-Libros de actas que consignarán as reunións que celebren tódolos órganos colexiados da F.G.X., tanto de goberno e representación como complementarios e técnicos.
- d.-Libros de contabilidade.
- e.-Libro inventario de bens mobles e inmobles.
- f.-Rexistro dos membros da Asemblea Xeral e da Comisión Delegada no que deberán constar os nomes dos titulares ou representantes legais e os domicilios para as citacións e comunicacóns.

**Artigo 68-** O réxime documental da F.G.X. estará a cargo do/a Secretario/a Xeral, a quen lle corresponde a custodia dos libros da Federación, levanta-las actas das reunións dos órganos colexiados e, unha vez aprobadas, asinadas co visto e prace do Presidente, expedir certificacións, remiti-las certificación e acordos que procedan á Dirección Xeral para o Deporte e, en xeral, prepara-la resolución e despacho de tódolos asuntos.

No caso de ausencia ou imposibilidade física do Secretario, as súas funcións serán desempeñadas polo/a Secretario/a Técnico/a ou o/a Tesoureiro/a no seu defecto

## VIII.-TÍTULO VIII.- RÉXIME DISCIPLINARIO E XURISDICCIONAL

**Artigo 69-** A F.G.X. en materia de disciplina deportiva, ten potestade sobre tódalas persoas que formen parte da súa estrutura orgánica, as entidades deportivas e os seus deportistas, técnicos e directivos, os xuíces e árbitros e, en xeral, todas aquelas persoas e entidades que, estando federados, desenrolen a actividade deportiva que constitúe o seu obxecto social no ámbito territorial da Comunidade Galega.

**Artigo 70-** Os órganos competentes en materia disciplinaria serán:

O Comité de Competición

O Comité de Disciplina

Estes rexeranse por o disposto pola Lei 11/1997, de 22 de agosto, xeral do deporte de Galicia e as súas normas de desenvolvemento e o Real Decreto 1591/1992, de 23 de decembro, sobre Disciplina Deportiva.

O comité de Competición estará formado por un só membro, nomeado polo/a Presidente/a e ratificado pola Asemblea Xeral

O Comité de Disciplina da F.G.de X. estará integrado por 3 membros, nomeados polo/a Presidente/a e ratificados pola Asemblea Xeral.

A duración do cargo coincidirá coa da Asemblea Xeral que os nomease e durante dito período só cesarán por renuncia ou dimisión, falecemento, incapacidade física ou psíquica, cese ratificado pola Asemblea Xeral e/ou sanción que o inhabilite para o cargo.

O Comité será presidido polo/a Presidente/a da F.G. de X., asistido/a polo/a secretario/a Xeral, que o fará con voz pero sin voto

A composición deste Comité será comunicada á Dirección Xeral para o Deporte na forma prevista nestes Estatutos.

**Artigo 71-** As resolucións ditadas polo Comité de Disciplina da F.G.de X. dentro das súas competencias, terán carácter definitivo no ámbito da F.G.X. e poderán ser recorridas ante o Comité Galego de Xustiza a Deportiva

## IX.- TÍTULO IX.- DA MODIFICACIÓN DOS ESTATUTOS E DA DISOLUCIÓN DA FEDERACIÓN GALEGA DE XIMNASIA.

**Artigo 72-** Os estatutos da F.G.X. só poden ser modificados pola Asemblea Xeral e de acordo co establecido nos presentes estatutos.

**Artigo 73-** A proposta de modificación dos estatutos deberá ser acordada polo Presidente ou Comisión Delegada da F.G.X. ou polo 25% dos membros da Asemblea Xeral, sendo necesarios para a súa modificación, o voto favorable dos 2/3 dos membros da Asemblea Xeral.

Aproba a reforma dos estatutos pola Asemblea Xeral, deberá ser ratificada pola Dirección Xeral para o Deporte.

**Artigo 74-** A F.G.X. extinguirase polas seguintes causas:

- a.-Por acordo da maioría de 2 / 3 dos membros da Asemblea Xeral referendado por maioría absoluta, por tódolos membros da F.G.X. a través de votación libre, igual directa e secreta.
- b.-Polas demais causas que determinen as Leis ou Regulamentos que sexan de aplicación.

Unha vez producida a liquidación, o patrimonio neto destinarase ós fins de carácter deportivo que determine a Dirección Xeral para o Deporte.

## X.- DISPOSICIÓN FINAL

Para o non previsto nos presentes Estatutos, aplicárase na Lei 11/1997, xeral do deporte de Galicia e as súas normas de desenvolvemento cantas outras sexan de aplicación á Real Federación Española de Ximnasia, en canto sexan compatibles co ámbito e función da Real Federación Galega de Ximnasia.